

1616_023.jpg

Histoire de nostre temps. 23

des Generaux d'icelles, ou desdits Seigneurs Princes, Ducs, Pairs, Officiers de la Couronne, Gouverneurs des Prouinces, & Lieutenans Generaux du Roy, le pourront faire en toute secreté, aduertissant les Gouverneurs des villes & places par lesquelles ils passeront: Et n'y pourront neantmoins passer que vingt à vingt à la fois. Fait & signé à Fontenay le Comte le 20. Ianuier, 1616.


Le lendemain 21. leurs Majestez partirent de Poitiers, durant vne extreme froidure, comme il sera dit cy après, & furent coucher à Chastelleraut; où elles seiournerent iusqu'au 23. Et ce mesme iour l'Ordonnance pour la suspension d'armes fut enuoyee par toutes les Prouinces: En voicy la teneur.

De par le Roy. Sa Maieité voulant embrasser tous moyens conuenables pour mettre son Royaume en repos, & faciliter la tenuë de la conference qui se doit faire à ceste fin, A ordonné que suspension d'armes & de toutes actions militaires, sera faire & obseruee par tout son Royaume, pays & terres de son obeyssance, à commencer du iour de la publication de la presente Ordonnance, iusques au premier iour de Mars prochain: pendant lequel temps, ne pourront estre pris aucuns prisonniers de guerre, ny faict aucunes entreprises de part ny d'autre. Mandans à ceste fin à tous Gouverneurs & Lieutenans generaux de ses Prouinces & villes, Baillifs, Seneschaux, Prenosts, Iuges, ou leurs Lieutenans. Capitaines, Chefs & com-

*Ordonnance
pour la sus-
pension d'ar-
mes durant
la Trefue.*

b iiii

1616_024.jpg



24

M.D.CXVI.

ducteurs de ses gens de guerre, & à tous les autres Iusticiers, Officiers & subjects qu'il appartiendra, de faire publier la presente Ordonnance, & icelle faire entretenir & observer, & reparer toutes cōtrauentions qui y pourroient estre faites. Donnée à Chastelleraud le vingt-troisiesme iour de Ianuier, mil six cents seize. Signé, LOUIS. Et plus bas, DE LOMENIE.

Arrivée de leurs Majestés à Tours.

Le 23. Ianuier leurs Maieitez partirent de Chastelleraud, & allerent loger à Sainte Maure, où elles sejournerent le 24. Et le 25. elles arriuerent à Tours, où la Cour demeura durant la tenuë de la Conference de Loudun, comme il se verra cy apres.

Madame la Comtesse de Soissons se rend à Tours.

Madame la Comtesse de Soissons (qui estoit à Paris) ayant receu la volonté du Roy pour se rendre à Tours, afin de se trouuer à la Conference de Loudun, y arriva le 28. dudit mois de Ianuier, avec son fils Mr. le Comte de Soissons.

Chute de la moitié du plancher de la chambre de la Royne Mere, où plusieurs Seigneurs furent blesez.

Le 29. ledit sieur Comte alla saluer la Royne Mere, à l'hostel de la Bourdaisiere où elle estoit logee; mais comme il venoit de la saluer, estant encor en sa chambre, vne grande partie du plancher fondit, & luy & plusieurs Grands Seigneurs tumberēt avec le plancher: Il ne fut point blezé; les sieurs, de Villeroy, Marquis de Rostaing, de Nangis & Bassompierre, qui tumberent, furent legerement blesez, le sieur de Refuge eut vne iābe meurtie: le Marquis de Villaines, & la Coste eurent les iābes fort offensees: Mr. de Guise print vne se-

1616_025.jpg


Histoire de nostre temps. 25

nostre & s'y tint sans tumber. La Royne Mere qui estoit en l'autre partie du plancher, avec Monsieur le Chancelier, le President Ianin, & plusieurs Secretaire d'Estat, qui parloient à elle, & Mademoiselle de Vendosme & de Seaux aussi Secretaire d'Estat, lesquels estoient derrière la chaire, ne tumberent point. Le Roy estoit allé à Amboise dès le matin, & revint ce soir mesme en bonne santé: ce qui donna beaucoup de contentement à plusieurs qui parloient de cest accident diuersement & selon leurs passions.

La nouvelle de ceste cheute de plancher fut portée à Paris dès le lendemain, qui ne fut qu'une augmentation de douleur: Car la nuit d'entre le 29. & le 30. Iannier la riuere de Seine qui pour l'extreme froidure s'estoit prise & glacée, le doux temps venu, se desbada d'une telle violence que les glaces emmenerent & firent perir un grand nombre de bateaux chargez de bois, bled, vin, sel, & autres marchandises, dont la perte ne se peut estimer: Un costé du Pont S. Michel (celuy qui regardoit le Petit pont) cheut dans l'eau, où il y eut beaucoup de biens perdus, mais il n'y eut qu'une chambrière noyée. L'autre moitié de ce pont cheut au mois de Juillet de ceste année: tellement que l'on a esté contraint de faire un autre pont de bois au dessous, tirant vers les Augustins, cependant que l'on rebastit ledit Pont, qui doit estre de piles de pierre, & non de pieux de bois, comme il estoit.

*Cheute du
Pont S. Mi-
chel.*

1616_026.jpg



1616_027.jpg

Histoire de nostre temps.

27

En fin trouuafmes Aubeterre
 Plus tristes que Sauueterre,
 Nous fusmes bien empeschez
 De treuuer assez de Prestres
 Pour confesser nos pechez.

Sauueterre estoit Huissier du Cabinet de la Sauueterre
 Royne Mere: Il se dit lors à Bordeaux diuerses disgracié.


choles surce qu'elle l'auoit priué de sa charge
 d'Huissier. Vn Politique de ce temps a escrit en
 traittant des confidences, Que la ruyné d'un
 Courtisan, luy aduient plus iouuent par legere-
 té, indiscretion, & vanité, que par infidelité; Et
 qu'il ne faut qu'auoir dit, On est venu, on s'est
 assemblé; pour tumber en vne disgrace. Que
 les Princes ont les proprieté des amoureux,
 soit en la crainte, soit en la jalousie, soit en
 autres semblables accidents: Et veulent
 entendre eux seuls leurs desseins & entrepri-
 ses, & ne les communiquer qu'à ceux qu'ils
 veulent.

On iugea par l'infortune de Sauueterre que
 la Mareſchale d'Ancre en feroit congedier
 d'autres: On verra ce qui en est aduenü cy-
 apres.

Sur la cherté des viures, & les maladies.

Nous passons quinze iournees
 En ces terres fortunees
 Criants par monts & par vaux
 Grand Dieu quelque peu d'uoine
 Ou reprenez nos cheuaux.
 Fieures chaudes, pleuresies,
 Catarrhes, hydropisies,

1616_028.jpg



28

M. D. CXVI.

Peu de finance, & grands frets,
Faisoient retentir des plaintes
Hospitaux & Cabarets.


La grande cherté de toutes sortes de viures
durant les quinze iournees que le Roy demeu-
ra à Poictiers a esté descrite aux liurets du tēps.
Et la bonté & la force des vins nouveaux de
Gascongne que plusieurs de la suite de la
Cour, auoient beu inconsiderémēt & sans me-
sure avec la longueur & fatigue du chemin en
hyuer, engendra tant de sieures chaudes & de
maladies que les Cabarets, & les Hospitaux ne
pouuoient receuoir tous les malades; Il en
mourut aussi vn grand nombre.

Maladies
procedes des
vins non-
ueux.

Sur la grande & extreme froidure qu'il fit
depuis Poictiers iusques à Tours.

Adieu Poictiers & Crotelle,
Disons nous montans en selle
Et mandissans les derniers,
Bien que tel n'eust pas grand haste
Qui deslogea des premiers.
A peine auons nous de veüe
Ceste grand' ville pendue,
Qu'un grand vent & furieux
Se leuant deuers la bise,
Nous souffla la neige aux yeux.
Iamais de telles froidures,
Pendant les saisons plus dures
N'ont veu les peuples du Nort,
Et fusmes plus de quatre heures
A deux doigts pres de la mort.
Adieu montaignes & plaines,

1616_029.jpg




Histoire de nostre temps.

29

Adieu ruisseaux & fontaines,
Disions nous tous languissans,
Et iurons la terre & l'onde
Que nous mourrions innocens.
Quand verrons-nous à nostre aise
Deuers le riuage d'Oise,
Les beaux champs de Rejaumont,
Et la campagne Elisee
Entre Luzarche & Beaumont ?
Belles plaines azurces
Rendez nous en vos contrees,
Et si plus en ce temps-cy
Vous souffrez pour vostre absence,
Ne vous cherchez pas icy.
Ansi iusques dans les nuës,
Monsoient nos plaintes cogneuës,
Croyans par faictz & par diës,
Mourans en ces aduentures
D'aller droict en Paradis.
De frayeur tous s'escrierent,
Aussi tost qu'ils regarderent
De pauvres gens esperdus,
Qui souspiroient leurs miseres
Deffus la neige estendus.
Les uns se tenoient à peine,
Les autres perdans haleine
Tumboient de froid tous noircis,
Dont moururent bien soixante,
Sans les amoureux transis.
Alors nostre grand' Princesse,
Remplit son cœur de tristesse,
Et destournant ses beaux yeux,

1616_030.jpg



1616_032.jpg

32

M. D. CXVI.

rent contrainsts de faire maison nouvelle; & ceux qui peurent reschapper en ont eu pour marque quelque oreille, ou les doigts de quel- que pied ou mains engelez. Que du Regiment des gardes, qui estoit de trois mille hommes, il en mourut plus du tiers, tât de ce froid, que des fiebures chaudes. Que sans aucun combat il estoit mort de l'armée du Roy & de celle des Princes plus de dix mille soldats qui auoient tellement infecté le pays de la riuere de Loire depuis Blois iusques à Ancenis, où il y a cinquante lieues de long, qu'il y estoit mort en ceste année plus de dix mille autres personnes & des meilleures familles. Que le Roy perdit à Tours son Precepteur le sieur de Fleurance; La Royne Mere son Medecin Mōtalto: Que Dolé Conseiller d'Estat y rendit son ame à Dieu, & le sieur de Beaumont Bailly d'Orleans & fils unique du President de Harlay, avec tant d'autres, que la nomination en seroit enuyeuse.

Sur l'accident de la cheute du plancher de la chambre de la Royne Mere, à Tours.

Nous auions quelque assurance

D'une meilleure influence

Estans arriuez à Tours

Et ce fut où la fortune

Nous joia de mauuais tours.

Deux mois d'ennuis & de peine

Dans les dezerts de Guyenne

Maint autres fascheux tourment

N'approchent point de la crainte

Que l'on eust en un moment,

Chacun

Mort des
sieurs Dolé,
Beaumont,
Fleurance,
& Montalto.

Hi

Chacun

On voit le

Tout est pl

Et retenti

De pleurs

Pendant

Qui crie,

Et les peup

Maintena

Et tantost

Quand

D'un acc

Qui sans

Conduiso

Au chem

Vous

Nous en

Et nos Di

Sans le bo

Nous fai

Leurs d

Leur fure

Et par ce

Leur rage

Et s'est di

L'Est

Vit sa sept

Quand v

Et sous le

Toute la F

Quelle

Quand la

Image issue du site mercurefrancois.ehess.fr - Cliché (c) Cécile Soudan